

ԱՐԱԳԱԾՈՏՆԻ ՆԱԽԱՌԻՐԱՐՏԱԿԱՆ ԶՐԱԲԱՇԽԱԿԱՆ ՀԱՄԱԿԱՐԳԻ ՓՈՐԱԳՐՎԱԾ ԳԾԱԳԻՐԸ

Մ. Մ. ԽԱՉԱՏՐՅԱՆ

Արագածոտն պատմական գավառի հնագիտական հետազոտության ընթացքում 1909 թ. պրոֆ. Ն. Մառը հայտնաբերել էր ջրի պաշտամունքին նվիրարարված, խոշոր քարերից քանդակված գլանաձև արձաններ՝ ձկան պատկերով: Անցյալում նման քանդակներ հայտնաբերված են եղել նաև Դեղամա լեռներում, Խոփարավան (Վրաստան) և Թոխմախան (Գառնի) լճերի շրջակայքում, ինչպես նաև Սևանի լիճների ցածրագիր մասերում և այլուր: Երկարամյա հնագիտական հետազոտությամբ պարզվել է, որ այն բոլոր վայրերում, ուր գտնվելիս են եղել ձկնակերպ քանդակներ, հետագայում հայտնաբերվել է հնադարյան ոռոգման համակարգ, որովհետև այդ ձկնակերպ արձանները կապված էին ջրի պաշտամունքի հետ և նվիրարարվում էին ջրի աստվածներին՝ ոռոգելի հողագործության պաշտպաններին: Այս փաստերի հիման վրա պրոֆ. Մառը համոզմունք է հայտնել, որ պատմական Արագածոտնում ոռոգելի հողագործություն վարելու համար գոյություն է ունեցել ջրանցքների, առուների ու ջրամբարների համակարգ:

Երեսնական թվականների սկզբներին պրոֆ. Ա. Քալանթարը մանրամասն ուսումնասիրելով պատմական Արագածոտնի նախնադարյան ջրաբաշխական համակարգը, վերականգնել է այդ ջրանցքների, առուների և ջրամբարների, ինչպես նաև շինարարական այլ կառույցների փոխադարձ դասավորությունը, ուղղություններն ու ընթացքը: Իրանով իսկ հայտնաբերվել է նախնադարյան ջրաբաշխական այն համակարգը, որ ժամանակին ոռոգել է Արաքսայան դաշտի հողերը՝ Արագածի լեռնալանջերում պահեստված ձնհալի ջրերի միջոցով: Պրոֆ. Ա. Քալանթարը պարզել է, որ Արագածոտնի հնագույն բնակիչները ոռոգելի հողագործություն կիրառելու նպատակով ջրանցքների հատուկ ցանց են կառուցել՝ սկսած Արագածի գագաթնամերձ մասերից դեպի մշակովի հողատարածությունները, ըստ որում բնական գոգավորություններում կառուցվել են ջրամբարներ՝ ձնհալի ջրերը կուտակելու նպատակով: Մինչև մեր օրերը պահպանվել են ջրամբարների դածրագիր եզրերը պատնեշող ցիկլոպային շարվածքի մնացորդները: Այդ կարգի ջրամբարներից է, օրինակ, Քար լիճը, որը 12 հեկտար մակերես ունի և շուրջ ութ մետր խորություն: Այդ լճից, հատուկ կառույցների միջոցով, ջուրը հոսել է Լրկու հունով, որոնցից մեկն ուղղված է դեպի հարավ-արևելք՝ հետագայում միանալով Արքաշեն ձորին, իսկ մյուսը՝ հարավ-արևմուտք: Տեղանքում մնացած որոշակի հետքերն ապացուցում են,

¹ См. Н. Я. Марр, Я. Н. Смирнов, Визапы, «Сборник Гос. академии истории материальной культуры», т. I, Л., 1931.

² См. А. Халантар, Уп. հնագույն ջրաբաշխական սխեմա և որհրդային հայաստանում. Տեղեկագիր ՀԽՍՀ պատմության և գրականության ինստիտուտի, II գիրք, Երևան, 1937, էջ 171—194.

որ ժամանակին Ժար լճի չրերի մի մասը տեղափոխվել է վերից վար կասկա-
ղաձև դասավորված չորամբարները, բրոնք կառուցված են ոռոգիչ ցանցի առու-
ների ընթացքի վրա՝ սկսած Արագածի գագաթնամասերից մինչև Արարատյան
դաշտը։ Լճի հարավային կողմից նկատվում են հնագույն արհեստական պատ-
վարների հետքեր³։


Արագածոտնի ոռոգման բոլոր համակարգը հիմնականում կառված է տե-
ղանքի սայմանների հետ և թելադրված է ուղիների առանձնահատկություննե-
րով։ Զրաբաշխական ցանցի համար օգտագործված են տեղանքի բնական հար-
մարությունները՝ չրհավաք տեղերը, որոնց ցածրադիր մասերում արհեստա-
կան պատնեշներ են կառուցվել։ Այդպիսով ստեղծվել է ջրանցքների, բնա-
կան ու արհեստական լճերի և ջրամբարների մի ամբողջ համակարգ, որը տա-
րածված է Արագածի հարավային լանջերում, Արբաշեն և Ամբերգ գետերի միջև։
Ջրային ցանցի մանրամասն ուսումնասիրության հիման վրա պրոֆ. Ա. Քա-
լանթարը եկել էր այն եզրակացության, որ դա նախաուրարտական շրջանի
կառույց է։ Նա կազմել է այդ ցանցի սխեման (տե՛ս նկ. 1)։

Իր այդ աշխատանքի մասին պրոֆ. Քալանթարը 1936 թ. ղեկուցում է
կարդացել Երևանի պետական համալսարանում։ Զեկուցմանը ներկա եղող ֆի-
զիկոս, պրոֆ. Անժուրը հայտնել է նրան, որ Այդր լճի շրջակայքի բլուրներից
մեկի վրա իրեն հայտնի է մի մեծ քար, բրի վրա եղած փորագրությունները
հիշեցնում են պրոֆ. Գալանթարի հրատարակած ակնաշարական սխեմայի
վրա ցույց տրված ջրանցքներն ու ջրամբարները։

Պրոֆ. Անժուրը մեզ հաղորդել է, որ պրոֆ. Քալանթարը Արագածոտնի ո-
ռոգման համակարգի հետազոտական տվյալների հիման վրա իր կազմած
սխեմա-քարտիզի մանրամասները համեմատության մեջ դնելով Այդր լճի մոտ
գտնվող քարի փորագրումների հետ, հանգել էր այն եզրակացության, որ դը-
րանք քարտեզագրական պատկերումներ են և ներկայացնում են Արագածոտնի
նախնադարյան ջրաբաշխական ցանցը։ Իր կազմած գծագիրը, որ ներկայաց-
նում էր Արագածոտնի արևելյան հատվածի ոռոգման նախնադարյան համա-
կարգը, պրոֆ. Ա. Քալանթարը համեմատել էր հայտնաբերված քարի վրայի
փորագրումների հետ և եզրակացրել, որ դրանք ընդհանուր գծերով, ինչպես և
առանձին մանրամասներում, համընկնում են և որ քարի վրա փորագրված է
Արագածոտնի նախնադարյան ոռոգման համակարգի քարտեզը, ըստ որում,
նրա կարծիքով, բառակուսի փորագրումները պատկերել են արհեստական
լճերը, իսկ շրջանաձևները՝ բնական լճակները։ Նա հավանական է համարել
նաև, որ երկրաչափական տեսքի այդ փորագրումները ցույց են տալիս բնա-
կավայրեր։

Մասնագետներից կազմված մի խումբ, պրոֆ. Հ. Անժուրի առաջնորդու-
թյամբ, որին հայտնի էր վերոհիշյալ քարի տեղը, 1950 թ. սեպտեմբերին որո-
նումներ կատարելով Այդր լճի շրջակայքում։ Սակայն անցել էին երկար տարի-
ներ, և հայտնաբերողը արդեն զբաղվածությամբ էր կողմնորոշվում Այդր լճի մեր-
ձակա բաղնիքի բլուրների շրջապատում։ Երկարատև ու մանրակրկիտ որո-
նումները անհետևանք անցան, սակայն քարտեզ-քարը փնտրելու աշխատանք-
ները մենք հետադաշտում չղաղարկեցինք։

³ Տե՛ս Գ. Շիրմազյան, Գրվագներ Հայաստանի ոռոգման պատմությունից, Երևան, 1962,
էջ 50։



Արագածի Զրաբարձական Սիստեմի պլանը (առաջադրված):


1 VII գլխ. ջրամբարներ

1 10 մագիստրալ խողովակներ

○ արհեստական լճեր

ԵԿ. 1

Երկայրաձյա ուսումնասիրությունները 1969 թ. մեղ բերեցին Մեծամոր
բլրի մոտ՝ Վեդին Զեյվա բնակավայրից մեկ կիլոմետր հարավ-արևմուտք, Այդր
լճի հակադիր կողմը (տե՛ս նկ. 2): Բլրի գագաթնամասի մոտ հայտնաբերվեց
վերոհիշյալ քարը՝ նախնադարյան պիկտոգրաֆիկ գծադրումներով, որի երկա-



Նկ. 2. Բլրի ընդհանուր տեսքը:

րությունը 7.2 մետր է, լայնությունը՝ 3,8 մետր: Քարն աննշան թեքություն ունի
դեպի հարավ, իսկ նրա դեպի հյուսիս նայող մասը մոտ մեկ մետրի շափ բարձ-
րանում է քարի մակերևույթից: Քարի մակերեսը բավական լայնատարած է,
սակայն գծադրությունը գրավում է վեց մետր երկարություն և երեք մետր լայ-
նություն: Դեպի հարավ նայող մասում երեք մետրից ավելի ցած եղած փորա-
պրությունները բնշացել են: Քարի հյուսիսային և հարավային մասում կա
չընթերցված հիերոգլիֆ մակագրություն: Զրանցքներ պատկերող գծերը սկըս-
վում են քարի դեպի հյուսիս նայող մասից և ձգվում են դեպի նրա հարավային
մասը (տե՛ս նկ. 3):



Նկ. 3. Քարի վրա կատարված փորադրությունների ընդհանուր տեսքը:

⁴ Դրա նշանադրերից մեկը նման է փյունիկյան-եգիպտական «մյոմ» դադափառադրին, որ
ընթերցվում է «չուր»:


Քարի փորագրությունների համեմատությունը մեզ հասած հնագույն քարտեզների (օրինակ՝ Բաբելոնի քաղաքի, գերմանացի քարտեզագետ Կիպերտի գիտային ցանցի պատկերումները, Ռուսաստանի «Մեծ գծագրի» ու «Սիբիրի քարտեզի», ինչպես նաև Հեկաթուլի աշխարհի քարտեզի) հետ հիմք է տալիս մեծ հավանականությամբ ենթադրելու, որ դրանք, ինչը, ջրաբաշխական համակարգ են պատկերում։ Քարի թեք մակերևույթի շնորհիվ տեղումների ջրերը փորագրված սովակներով հոսել են ցած, առանց մեծ վնաս պատճառելու գծագրությանը։ Երկար պարերի ընթացքում այդ փորագրությունները որոշ չափով հողմանալով են, իսկ որոշ մասերում ջարդվել, սակայն գծագրումների հիմնական կմախքն ու մանրամասները պահպանված են։ Քարի վրա փորագրված առվակները, «բամբուկներն ու ենթադրական բնակավայրերը երկրաչափական կանոնավոր տեսք և կանխամտածված դասավորություն ունեն։ Այդ բոլորը, ինչպես ջրանցքների աշխարհագրական տեղաբաշխությունն ու քարի մակերևույթի հղկվածությունը, աներկբայորեն հաստատում են, որ դրանք ձևերի աշխատանքի արգասիք են և ոչ թե բնության խաղ։

Տուպուրաֆիական բարտեզի օժանդակությամբ մեր կատարած դաշտային հետազոտությունները ինչպես նաև մանրամասների համեմատությունները քարի վրա փորագրված գծերի հետ, այն է պահպանության հանգեցրին, որ քարի վրա, իրոք, գծագրված է Արագածոտնի հնագույն ոռոգման ցանցի քարտեզը, ինչպես որ ենթադրել էր պրոֆ. Ա. Ֆալանթարը։ Դաշտում կատարած մեր հետազոտությունը պարզեց նաև, որ նախնադարյան ջրանցքների համար օգտագործվել են տեղանքի բնական այն հեղեղատներն ու ջրէջքները, որոնք գտնվելն են եղել տարվելիք ջրանցքների ուղղության վրա։ Ջրամբարները տեղաբաշխված են կասկադի էղանակով տարբեր բարձրությունների վրա, հաջորդականորեն։ Ջրաբաշխական նմանօրինակ համակարգի առկայությունը՝ արհեստական ջրամբարների ու ջրանցքների նպատակային տեղաբաշխմամբ, վկայում է գյուղատնտեսական մշակույթի և շինարարական արվեստի բարձր մակարդակի մասին։

Մենք համեմատել ենք փորագրված ոռոգման ցանցի բոլոր ուղղություններն ու մանրամասները այդ դաշտի ներկայիս ջրատարների և ջրաբաշխական համակարգերի հետ։ Այդ ջրատարներից շատերի հուններն են մնացել միայն, դրանցով մի ժամանակ ջուր է հոսել, իսկ ներկայումս զարնան տեղումների ու ձնհալի ջրերն են երբեմն հոսում շատ կարճ ժամկետով, սակայն ջրատարներից մի քանիսը գործում են և մինչև այսօր։ Ինչպես երևում է №№ 4, 5 և 6 քարտեղներից, շատ մեծ նմանություններ են նկատվում քարի վրայի գծագրումների ու ներկայիս ջրատարների ու ջրամբարների միջև՝ ինչպես նրանց տեղադրության, այնպես էլ ընթացքների ուղղության տեսակետից։ Օրինակ, Քարլաի ներկայիս եղրագիծը համարյա չի տարբերվում փորագրված քարտեզի ջրամբարի եղրագծից։ Վարաժաուերի մեջ առաջացած այդ լիճը ոչ մի ուղղությամբ սեղմվել կամ ընկղանվել չէր կարող, և այդ է պատճառը, որ հազարամյակների ընթացքում նրա եղրագիծը առանձնապես չի փոփոխվել և պահպանել է քարի վրա փորագրված սկզբնական տեսքը։

Վարի վրա փորագրված սխեմա-քարտեզի արևելյան սահմանը հանդիսանում են Գեղարոտ և Քասախ գետերը, իսկ արևմուտքի փորագրումները վերջանում են Մաստարայի սելափատաբով։ Արևելքում ջրանցքներից առաջինը սկիզբ է առնում Գեղարոտից, անցնում է ներկայիս Արագած (Ղազնաֆար),

Վարդաբլուր (Շիրադալա), Բաղարջուղ, Արտաշատան, Օհանավան ու Կարբի, ապա Մուղնի բնակավայրերի դաշտերով և շարունակվում դեպի հարավ (քարի այդ մասը մաշվել է և ներկայումս անհայտ է մնում հոսքի հետագա ուղղությամբ)։ Փորագրված սխեմա-քարտեզի ամենսարևմտյան ջրանցքի (Մաստարա սելավատափից արևելք) հյուսիսից-հարավ ձգվող ընթացքը համատեղվում է, այսպես կոչվող, «Թալինի» ջրատարի հետ, որը սկիզբ է առնում ներկայիս Ահագլի բնակավայրին մերձակա փոքրիկ լճի մոտակայքից, անցնում է Ոսկեթառ, Ակունք, Վերին ու Ներքին Թալին բնակավայրերի գաղտերով և հասնում է, այսպես կոչվող, «Թալի ձոր»։ Ներկայումս օգտագործվում են այդ մայրուղու վրա եղած նախնադարյան երեք ջրամբարները (N 5 տույողրաֆիական բարեկամ դրանք նշված են 1, 3 և 7 համարների տակ)։




Նկ. 4. քարի վրա կատարված փորագրությունների սխեման։

Նախնադարյան սխեմա-քարտեզի վրա փորագրված ոռոգման ցանցի մնացած ջրանցքները նույնպես համընկնում են տեղանքի ջրատարների կամ նրանց հետքերի հետ. այսպես, արևելքից-արևմուտք համընկնում են՝ ներկայիս Արտաշատան, Նաղբլան, Անգարսակ, Արքաշեն, Ամբերդ, Կաշկա, Դիան, Աղարակ, Նարիշա, Զաքարի, Զիարեթի, Զաթին, Մեհրիբան, ինչպես նաև Արջաձոր, ապա խորուն և Թալին կոչվող 16 ջրատարները՝ համապատասխան հաջորդականությամբ ու տեղանքի մանրամասնությամբ⁵։ Այդ համընկնումների մասին կարելի է դատել միմյանց հետ համեմատելով N 4 և N 5 քարտեզները։

Նախնադարյան քարտեզի այն ջրանցքը, որ փորագրված է Ամբերդից անմիջապես արևմուտք և ձգվում է Արագածի դագաթնամասից մինչև Արարատյան դաշտը, ներկայումս չբացահայտվել է միայն գարնանը, այն էլ շատ կարճ

⁵ Արագածի հարավային բարձունքներում ներկայումս մշտական բնակիչներ չկան, իսկ եկվորների հատնած տեղանունները միշտ չէ, որ համասպատասխանում են իրականությանը։

Ժամանակով: Բնակիչները այդ ջրատարը անվանում են «Կաշկա»: Նա սկիզբ է առնում Արագածի հարավ-արևմտյան լարձրադիր լանջերից, ինչպես որ փորագրված է քարի վրա, սկսվելով այն լսից, որ գոյություն ունի նաև ներկայումս և կոչվում է «Բարուն»: Ներկայիս ջրատարը այդ ակունքից այժմ ջուր չի ստանում, ըստ երևույթին՝ լճի մակարդակի իջեցման և նրա դեբիտի փոքրացման հետևանքով: Քարի փորագրումների համաձայն, այդ ջրանցքը վերին հոսանքում բաժանված է եղել երկու վտակների, որոնք բոլոր տարածությունը առանձին-առանձին անցնելուց հետո միացել են ու կազմել մեկ ջրանցք: Կաշկա ջրանցքը տեղանքում ունի այդ բաժանումն ու միացումը (տե՛ս քարտեզ № 5): Հետազոտված ջրատարը հարավ-արևմտյան ուղղություն ունի և հոսել է ներկայիս Հեռհարոտ բնակավայրի հողերի սահմանով: Կաշկա ջրատարի ափերը ստորին հոսանքում ցածրանում են, և ջրանցքը, հարթավայրում բաժանվելով երկու առվակների, հետզհետե կորչում է:



Նկ. 5. Արագածոտնի ոռոգման ժամանակակից համակարգի քարտեզը:

Կաշկա ջրատարից արևմուտք «Ղյառն» ջրատարն է, որ ժամանակին գործող ջրանցք է եղել, իսկ ներկայումս ջուր է ունենում գարնանը միայն, հորդաւատ տեղումների ժամանակ: Այդ չրատարը քնդհանուր գծերով համապատասխանում է քարի վրա ներկայացված ջրանցքին և՛ ուղղությամբ, և՛ տեղագրությամբ: Դիան ջրատարի վերին հոսանքում նկատելի են համեմատաբար խոշոր ջրամբարի հետքեր: Տեղանքի ուսումնասիրությունից պարզվեց, որ այդ ջրանցքը վերին հոսանքում ձևալի պահանջով ջրերով ոռոգել է ներկայիս Դիան լճակավայրի տերիտորիայի համեմատաբար հարթ տարածությունները, իսկ ստորին հոսանքում պահանջով ջրեր, օգտագործվել են Արարատյան դաշտում, սակայն նրա հետագա ընթացքը քարի վրա հնարավոր չէ պարզել: Ներկայումս գոյություն ունեցող ջրատարը, անցնելով Բալիշ գյուղի հողօգտագործման սահմանները, թափվում է վտակների և իջնում ցած, ուղղություն ունենալով դեպի Հոկտեմբերյան ջրանի հողատարածություններ:

Արագածոտնի ոռոգման համակարգի հաջորդ ջրանցքը, որ հնում ձյան հալոցքի ջրերն է ամբարեկ պերին հոռանքում, ներկայումս նույնպես փրատաք

է, որը այժմ վերին հոսանքում կոչվում է «Ազարակ», իսկ ստորինում՝ «Նարիշտ»։ Ազարակի և նրա հիսամասի աղբյուրների կապտածի միջոցով ներկայումս կառուցված է ջրմուղ՝ Թալինի շրջանի մի քանի գյուղերին խմելու ջուր մատակարարելու նպատակով։ Նարիշտ անունը կրող այդ ջրատարի ընթացքով, Կաթավաձորի մոտակայքում, նկատելի են հնագույն ջրամբարի հետքեր, որոնց տեղադիրքը կարծելիք է համապատասխանում է քարի վրա պահպանված գծագրությանը։ Այդ ջրատարով հոսող ջրերը օգտագործվել են ներկայիս Թալինի շրջանի համամատար հարկի տարածությունները ոռոգելու համար։


Փորագրված քարտեզի այն երկու ջրանցքները, որ նախնադարյան շրջանում ոռոգել են ներկայիս Վերին ու Ներքին Սասնաշեն ու Բաղմաբերդ բնակավայրերի հողային տարածությունները, այժմ միայն գարնանային հեղեղների ժամանակ են ջուր ունենում։ Ճեղի բնակիչները այդ ջրատարներից արևելյանը անվանում են «Զաքարի առու», իսկ արևմտյանը՝ «Զիարեթ»։ Այդ երկու ջրանցքները, ինչպես որ փորագրված են քարի վրա, վերին հոսանքում երկու ջրատարով են հոսել, սակայն միջին հոսանքում դրանք ունեն միացումներ, մնալով հետագայում բաժանված երկու ջրանցքների։ «Զաքարի առուն» ընթանում է Վերին Բաղմաբերդ բնակավայրի արևմտյան կղրագծով, ապա շարունակվում է Ներքին Բաղմաբերդի արևելյան սահմանով։ «Զիարեթ» կոչվող ջրատարը բաժանումից հետո հոսում է Ներքին Սասնաշեն բնակավայրի արևելյան եզրով և շարունակվում անմշակ հողատարածությունների մեջ։ Ներքին Սասնաշենից ցած գտնվող նախնադարյան ջրամբարը, որ քարի վրա նշված է բառակուսի եղրագիծ ունեցող փոսով, համապատասխանում է ներկայումս գործող № 14 ջրամբարին (տե՛ս քարտեզ 5)։ Այս ջրամբարը, ըստ երևույթին, հաստատում է, որ քարի վրա փորագրված համակարգի բառակուսի եղրագիծ ունեցող փոսերը արհեստական ջրամբարներ են։

Քարի վրա փորագրված են նաև երկու այլ ջրանցքներ, որոնք Արագածոտնի նախավերջին ոռոգիչներն են, բացի «Թալին» ջրանցքից, որի մասին խոսվեց վերևում։ Նախնադարյան այդ երկու ջրանցքները աշխարհագրական տեղադիրքով, ջրանցքների հաջորդականությամբ, ընթացքների ուղղությամբ, ըստ երևույթին, համապատասխանում են Ներկայիս «Մեհրիբան» և «Զաթին» ջրատարներին, որոնք վերին հոսանքում միացած են եղել որպես մեկ ջրանցք, ջրի ամբողջ պաշարը ստանալով Արագածի արևմտյան լանջերից, իսկ հետագայում բաժանված երկու վտակների, որոնցից արևելյանը, որ ներկայումս անվանում են Զաթին, հոսում է Դավիթաշեն բնակավայրի արևելյան սահմանով, իսկ արևմտյանը, որ հոսել է ներկայիս Իրինդ ու Կաթնաղբյուր բնակավայրերի արևմտյան կողմերով, կրում է «Մեհրիբան» անունը։ Այս երկու ջրանցքները նախնադարյան քարտեզի վրա ստորին հոսանքում կրկին միացել են միմյանց։ Ջրատարը շարունակվում է հարավ, դեպի Աշնակ բնակավայրի համեմատաբար տափուրակ տարածությունները և մի քանի ոռոգիչ առուների վերածվելով, ավարտում իր ընթացքը։ Ըստ նախնադարյան քարտեզի, Մեհրիբան կոչվող ջրանցքի վրա գծագրված է արհեստական ջրամբար։ Մենք այդ տեղիտորիայում հայտնաբերեցինք ջրամբարի հետքեր (№ 5 քարտեզում նշված են 9 և 10 համարների տակ)։ Այդտեղ ներկայումս կառուցված են համեմատաբար ավելի փոքր ջրամբարներ, եթև քարի պնդություններ, ընդունենք մասշտաբավորված։

Քարի վրա, այդ ջրամբարից ցած, նշված է շրջանատեսք մեկ այլ մանրամասն, որը սակայն կարող է և բնակավայր լինել. տեղանքում այդ գրծ-

վաճառքը մոտավորապես համընկնում է Եաթնաղբյուր գյուղի ներկայիս գրաված տերիտորիային: Քարի վրա այդ ջրանցքի հարավային հատվածում նշված է մի այլ արհեստական ջրամբար ևս, սակայն մեր ուսումնասիրող աշխատանքի շրջանից դուրս գտնվող շրջանում, միայն դարձան ճորդությունները շատ կարճ ժամանակով ջուր են մատակարարում այդ ջրատարներին:

Արագածոտնի ուղղման համակարգի արևմուտքում գտնվող նախալեռ-ջին երկու ջրանցքները անցնում են Ակունք թնակավայրից սկսած մինչև Թալինի դաշտերը, միմյանց զուգահեռ ուղղությամբ: Այդ ուղղիչները ժամանակին օգտագործվել են ներկայիս Թալին և Դավիթաշեն բնակավայրերի միջև ընկած տարածությունների ուղղման համար: Զրանցքներից արևելյանը, որ անցնում է ներկայիս Կարմրաշեն բնակավայրի արևմտյան եզրերով, հետագայում թեքվում է հարավ և Ն. Թալինի դաշտերում բաժանվում մանր առուների: Տեղացիները այդ ջրատարը անվանում էն «Արջաձոր»:



Նկ. 6. քարի վրա փորագրված համակարգը ներկայիս տեղանուններով:

Ներկրորդ ջրանցքը, որ անցնում էր Արջաձորի արևմտյան կողմով՝ ներկայիս Ուկեթաս և Կարմրաշեն բնակավայրերի սահմանագրով, տեղացիները անվանում են «նորուն»: Հարավում դա վերջանում է ջրամբարով, սակայն տեղում այդ ջրամբարը չկարողացանք հայտնաբերել:

Արագածոտնի նախնադարյան ուղղիչ ցանցը, հավանական է, որ ոչնչացվել է բոլոր ցեղերի արշավանքների հետևանքով: Ուրարտական սեպագիր արձանագրություններում չեն հիշատակվում ուղղիչ համակարգի այն ջրանցքները, ջրամբարներն ու կառույցները, որոնք գործելիս են եղել ձնհալի ջրերի սլաշարի հիման վրա:

Արագածոտնի ջրաբաշխական համակարգի համարյա յուրաքանչյուր հանգուցային կետում հայտնաբերվել են չրի պաշտամունքը մարմնավորող, այսպես կոչված, «վիշապները», որոնք ունեն 4—5 մետր երկարություն և 60—

50 սմ տրամագիծ՝ Այդպիսի քանդակները են հայտնաբերվել նաև Քար լճի մոտակայքում՝ Արագածի գիտական կայանի աշխատողները, հաշվի առնելով այդ ձևակերպ քանդակների զոդարվածության ու հնագիտական նշանակությունը, ցածի ջրամբարներից այդպիսի մի վիշապ են տեղափոխել, որը ներկայումս կանգնեցված է բնտոնե պատվանդանի վրա՝ ուղղակի Քար լճի փին։

Ուսումնասիրությունները հաստատում են, որ «Արագածի վրա հայտնաբերված ձուկ-վիշապները շագերված են ուղղման բարդ համակարգի հետ և որ այդ համակարգի համար հիմք են ծառայել Արագածի ձևաչափի ջրերը»⁶։ Բայի Արագածոտնից, ջրի պաշտամունքին նվիրված նման քանդակներ են հայտնաբերված նաև Վիշապալճի (Ռոմեմախանի) շրջակայքում, Գեղարգի նախնադարյան ուղղման ցանցի ջրամբարների ու ջրանցքների մոտ։

1963 թ. Գառնի ամրոցի պեղումների ժամանակ հայտնաբերվել է կիսով չափ ջարդված խոշոր, երկար սալաքար, որի արտաքին մակերևույթի վրա գծագրված էին վիշապի բարձրաքանդակ նշանները։ Այդ հատվածի վրա, որ գլխամասն է ներկայացնում (1,87 մետր երկարությամբ և 0,70 մետր տրամագծով), կա ուրարտական սեպագիր արձանագրություն, որ փորագրված է ավելի ուշ ժամանակներում, քան վիշապի դրվածքը, որովհետև ուրարտական այդ մակագրությունները կատարված են վիշապը պատկերող բարձրաքանդակ փորագրությունների վրա։ Հնագետների կարծիքով քարը չէր կարող բերված լինել հեղափառ լեռներից։ Էնթադրվում է, որ այն կանգնեցված է եղել Գառնիի քարածայրերի միջից բխող, հզոր դեբիտ ունեցող աղբյուրների մոտ և կամ դրանցից սկսվող ջրանցքների մոտակայքում։

«Գառնիի վիշապ քանդակի հայտնաբերումը, — գրում է պրոֆ. Բ. Առաքելյանը, — որի վրա գոյություն ունի VIII դարի (մ. թ. ա.) առաջին կեսի ուրարտական սեպագիր մակագրություն, որոշակիորեն լուսաբանում է հնագրության այդ առանձնապես հետաքրքրական հուշարձանների ժամանակաշրջանը։ Պարզվում է, որ դրանք ստեղծվել են Ուրարտական պետության առաջացումից, ինչպես և ուրարտացիների՝ դուրի Հայկական լեռնաշխարհի հյուսիսային սահմանները ներխուժելուց շատ ավելի վաղ ժամանակներում, մեր թվագրությունից առաջ մոտավորապես երկրորդ հազարամյակի կեսերին՝ XVII—XVI դարերի ընթացքում, կապված լինելով ջրի պաշտամունքի հետ»⁷։

* * *

Զեյվալի բլրի քարի վրա հայտնաբերված ուղղման համակարգի նախնադարյան փորագրված քարտեղի և դրա ընդգրկած տերիտորիայի մեր ուսումնասիրությունից կարելի է անել հետևյալ եզրակացությունները.

1. Արսիպածոտում հայտնաբերված նախնադարյան ուղղման ցանցի հետքերն ու մինչև այժմ գոյություն ունեցող ջրատարները համապատասխանում են քարի փորագրություններին, ինչպես ուղղման ցանցի աշխարհագրական տեղաբաշխմամբ, առանձին ջրատարների ուղղություններով, այնպես էլ ջրամբարների սահմանակցերով և շինարարական կառույցների քանակով։

⁶ Տե՛ս Բ. Բ. Пиотровский, Визапы, каменные статуи в горах Армении, Л., 1939, էջ 37—38, Տե՛ս նաև Մ. Արեղյան, Վիշապներ, Երևան, 1941։

⁷ Տե՛ս Բ. Н. Аракелян, Урартская клинообразная надпись из Гарни. «Պատմա-քանասիրական հանդես», 1966, № 2, էջ 293։

2. Քարի վրա ընդգրկված է Արագածոտնի տերիտորիան՝ Քասաղ գետից մինչև Մաստարայի սելավատարը (այդ տարածությունը քարի վրա ներկայացված է 5,8 մետր երկարությամբ, որը համապատասխանում է տեղանքի 45 կիլոմետրին) և Քար լճից մինչև Արարատյան դաշտը (որը քարի վրա բռնում է 3 մետր, իսկ տեղանքում՝ 26 կիլոմետր)։

3. Քարի վրա փորագրված բոլոր տասնվեց ջրանցքները հյուսիսից հարավ ուղղությամբ ունեն, ինչպես որ Քասաղ գետից մինչև Մաստարա սելավատարը հայտնաբերված տասնվեց ջրատարների հետքերը։

4. Ուրարտական նվաճումից շատ առաջ Արագածոտնի՝ ձնհալի ջրերն օգտագործող ոռոգման համակարգը արդեն դադարել էր գործելուց⁸։

5. Քարի վրա փորագրված քարտեղը վկայում է, որ Արագածոտնի նախաուրարտական տեղաբնիկներն են առաջինը, որ այստեղ կիրառել են ոռոգելի հողագործություն, այդ նպատակի համար կառուցելով ջրաբաշխական քարոց համակարգ, որն օգտագործում էր Արագածի ձնհալի ջրերը։

ВЫГРАВИРОВАННАЯ СХЕМА ДОУРАТСКОЙ ИРРИГАЦИОННОЙ СЕТИ АРАГАЦОТНА

М. М. ХАЧАТРЯН

(Р е з ю м е)

На южных склонах Арагаца в 30-х годах была обнаружена древняя ирригационная сеть, которая обеспечивала поливное земледелие северо-восточной части Араратской долины талыми водами снежных вершин Арагаца. По следам строительных остатков этих древних каналов, водохранилищ и искусственных сооружений, а также характерным образованием рельефа были выявлены направления каналов, местоположения водохранилищ и, кроме того, составлена схема этой древней ирригационной системы.

В 1969 г. на холме у с. Зейва, в 35 км к западу от столицы Армении, нами был вновь обнаружен весьма крупных размеров камень с пиктографическими изображениями и выгравированными извилистыми линиями. Об этом камне в начале 30-х годов сообщил проф. Ереванского государственного университета А. Анжур, а выгравированную на нем схему исследовал А. Калантар, выдвинувший предположение о том, что на камне изображена схема ирригационной сети Арагацотна.

Выгравированные подробности на камне нами были сопоставлены со схемой древней ирригационной сети, а в натуре исследованы высохшие русла и следы древних каналов, водохранилищ и других сооружений. Сопоставления показывают, что обнаруженные на камне извилистые линии, по всей вероятности, представляют схему размещения ирригационной сети, существовавшей в доурартский период на территории исторической области Арагацотн.

⁸ Ուրարտացիները Արարատյան դաշտում ոռոգելի հողագործությունը վարել են ջրաբաշխական այլ ցանցի հիման վրա՝ էջմիածնի, Շահարի, Սարդարապատի, որոնք սնվում էին ոչ թե Արագածի ձնհալի ջրերով, այլ Հրազդանի, Քասաղի և Արաքսի գրեթե և կրում էին մշտական լինությամբ։